

Georg Christoph Detharding

**Programma Qvo Anatomiam In Svbiecto Foeminino : Crastina Lvce  
Svbsqventibvs Diebvs Hora III. Pomeridiana In Theatro Anatomico Pvblice  
Habendam Indicit, Atqve Ad Eandem Magnificvm Dominvm Rectorem, Vtrivsqve  
Reipvblicæ Proceres, Omnesqve Omnivm Ordinvm Cives Academicos Ea, Qva  
Par Est, Hvmanitate Invitat**

Rostochii: Typis Io. Iac. Adleri, [1741?]

<https://purl.uni-rostock.de/rosdok/ppn1842705555>

Druck Freier  Zugang





15082

PROGRAMMA  
QVO  
ANATOMIAM  
IN  
SVBIECTO FOEMININO  
CRASTINA LVCE ET SVBSEQVENTIBVS DIEBVS  
HORA III. POMERIDIANA  
IN  
THEATRO ANATOMICO  
PVBLICE HABENDAM  
INDICIT,  
ATQVE AD EANDEM  
MAGNIFICVM DOMINVM  
RECTOREM, VTRIVSQUE REIPVBLICÆ  
PROCERES, OMNESQVE OMNIVM ORDINVM  
CIVES ACADEMICOS  
EA, QVA PAR EST, HVMANITATE  
INVITAT  
GEORGIVS CHRISTOPH.  
DETHARDING.

Anatom. Profess. Publ. Ord.

---

ROSTOCHII  
TYPIS IO. IAC. ADLERI, SERENISS. PRINC. ET  
ACADEMIAE TYPOGRAPHI.




213

THE  
 HISTORY  
 OF  
 THE  
 CITY  
 OF  
 ROSTOCK  
 IN  
 THE  
 SEVENTEENTH  
 CENTURY  
 BY  
 GEORGE  
 BETHUN  
 ESQ.  
 LONDON  
 1705

16





ui primus ridendo vera dicenda  
commendavit, probe quidem intel-  
lexit, veritatem ex nuditate con-  
temptui habitam, eleganti fig-  
mentorum habitu decoratam om-  
nium spectantium oculos & ani-  
mum in se convertere; Sed & in-  
simul effecit, ut regula haecce in-  
pessimos degeneraverit abusus, & sarcasms, ironiis, & lo-  
cutionibus satyricis occasionem suppeditaverit uberrimam.  
Inter tot hujus rei documenta allegasse sufficiat proclivi-  
tatem sexus virilis ad foeminarum vitia tam corporis, quam  
animi propalanda, & quasi microscopio usi fuissent, quo  
pulex elephantum simulat, ad minimas quasvis deviationes



largo sermone ebuccinandas. Hem! quantane Scommata eructantur in volubilitatem linguæ huic sexui propriam, cum accrescente atate, quæ reliqua membra cætequin torpida reddere assolet, non remittentem, sed potius augmentum capientem; quanto vitio vertitur foeminarum in propalandis & divulgandis arcanis promptitudo; quam non deridetur intempestiva ob res nullius pretii, excandescencia; quot non vicibus propensio in segnitiam, voluptates, Zelotypiam atro notatur carbone, etc. Equidem inficias ire nolo, imbecillitates supra memora-tes, sub conversatione cum mulierculis detegi subinde posse, quarum origo in educatione molliori, vitæ genere ab occupationibus seriis alieno, & consuetudine passim quærenda; at cum pudore insimul confitendum esse censeo, eadem vitia, si non majora viris haud paucis exprobrari posse. Sane, si quando sexui sic dicto sequiori eadem esset data & animi excellentia, & idem corporis robur contingeret, sique libertas eidem concessa, inquirendi in Virorum actiones, hasque dijudicandi, pariter vitia, aberrationes, anomalix in sexu nobiliori, doctorum lusus ingenii, indoctorum phantasiæ praeberent amplissimam messem colligendi vanitates, & uberrimam regerendi ansam, proprio se metirent viri modulo, & examinarent mantica, quod in tergo est. Si quid tamen critas Virorum importune dicacium exigere fœvit (prouti improbus mortalium mos, verba sacri Codicis præter omnem necessitatem, imo verum sensum, in partes suas trahere annititur) epitheton est *infirmioris vasis*, vel uti B. Lutherus id exprimere voluit Germanice: *Des schwächsten Weibes Zeuges*, quo divus Petrus utitur, tanquam argumento, ad tolerandas & melius habendas



das fœminas. An vero exinde male audiat fœminarum chorus, vel anne magis verisimile, Petrum verbis infirmioris vasis easdem magis laudare, quam vituperare voluisse, sub iudice lis est. Majori namque in pretio sunt horologia minora, quæ ad nutum horas repetunt, fragiliora quamuis, quam majora, quæ singulis saltem horis progressum temporis determinant; pluri aestimatur herba ex teneritudine & sensibilitate sensitiva dicta, quam quercus ardua, vehementissimis procellis immota resistens; præferimus vestimenta ex holoserico multo artificio concinnata, licet aeris injurias a corpore magis arceat. Loquar clarius: Illa, quæ in sexu fœminino culpatur imbecillitas, sive sit animi, sive corporis, exinde ortum trahere videtur, quod destinatus sit negotio cuidam magna cura, accurato ordine & exquisitissimis motibus absolvendo, ut levissimus in eodem commissus error maximis anomaliis ansam præbere possit.

Digitum intendo ad negotium prolificationis: quod sub prima conceptione inter utrumque sexum fuit divisum, sed magno valde discrimine. Nolo verba Viri cujusdam eruditi mea facere, qui tam parum conferre ait Marem ad negotium generationis, ut vix, quasi Virum se præstitisset Viri mereatur vel Patris nomen, hoc tamen experientia fundatum, non per tot momenta eundem actui isti vacare, quot menses fœmina impendendos habet, donec finis desideratus sit obtentus. Quando enim fœmina ad pubertatem accessit, quod circa decimum quartum annum ut plurimum contingere assolet, prius quam sub nexu conjugali, pignus illud amoris mutui sinui matris concreditur, præparatur hocce hospitium, ne nutrimentum ipsi



in eo commoranti deficiat, testantibus catameniis, singulis mensibus se exferentibus. Quodsi jam diverticulum suum foetus occupavit, sub accretione ejusdem accrescunt molestiae gravidis familiares. Detrahitur fueto nutrimento, quo hoc impendatur Embryoni. Expanditur uterus in immensam molem, ut mirum quantum aucta non tantum in intuentium oculos incurrat, verum & sarcina sua gestanti haud parum laboris conciliet, Propria exinde cedant necesse est viscera, quo pusio justum sibi que commodum habeat locum. Noctes subinde fiunt infomnes, quoties novus hospes motitatione sua situm in diversorio mutat. Quando denique hic extra claustra, post novem menses peractos prorepere contendit, saeviat mater opus est, in proprium corpus, dolores per vices repetentes, & tales heroico animo, & nisu audaci habet perferendos, quos omniscius rerum Moderator in comparationem vocat, quando angores, cruciatus mentis corporisve summos describere jubet Nuncios suos. Excluso miranda plane ratione, & non nunquam cum vitae discrimine partu, domicilium relictum est expurgandum, quod iterum novas molestias postulat; partium porro extensarum admodum, sive ruptarum contractio & consolidatio sub silentio expectanda. Presso pede sequitur nova de nutriendo tenello per mammas sollicitudo, quod negotium quantis difficultatibus, & quantis cruciatibus subinde sit stipatum, innotent, quibus medela horum affectuum committitur, ut silentio denique praeteream symptomata circa ab lactationis negotium saepe numero obvia. Actuum vero supra memoratorum momentosorum, & discriminum plenorum non unica luditur scena, sed plurimum sexies, decies, sedecies, & ultra


re-



repetitur, Maribus in area theatri spectantibus; quis horum porro ausus fuerit, de corio foeminarum verbis spinosioribus ludere, & vasis infirmitatem in tot commoda cedentem, vertere in vitium? Nec enim aliter fieri potuit, quin ad officia supra memorata a foeminis praestanda, fuerint plura organa necessaria, negotiorum mediantibus illis expediendorum observetur ordo accuratus admodum, ne dispendium vel sanitatis vel vitae inferant, hinc oriatur major tam corporis, quam animi sensibilitas, haec sensibilitas occasionem suppeditet proclivitati in pathemata animi prope- rantius iusto surgentia. Finem ergo procreationis sobolis qui volunt, velint etiam, vel saltem patienter ferant media, sine quibus ille vel plane non, vel saltem difficulter, vel raro admodum obtineri potest.

Pergerem in hac defensione, cujus primas saltem lineas duxi, & adjungerem anomalias, quae durante gravitate haud absque sanitatis & vitae periculo passim contingere assolent, quorsum referendae haemorrhagiae uteri, abortus, molae, lochiorum vitia &c. Item, quanam symptomata iis evenire foeminis soleant, in quibus, fertilitatis, annis elapsis, menstruus fluxus cessare assolet, nisi ex Munificentia *AMPLISSIMI* hujus urbis *SENATUS* occasio fuerit subministrata, in cadavere Foeminino veritatem assertorum ad oculum demonstrandi, ut hincere contra illam velle, parum a litigandi studio esset alienum habendum. Accedatis ergo quaeso, quo contemlemini, quod & circa formationem sedes foeminini Deus se praestiterit mirabilem; quo primas sedes vestras occultas, sed in occulto splendoris Creatoris plenas reverenti animo intueamini, Videbitis singulas

cor-





corporis humani partes earundem situm, structuram, connexionem, & usum, in quibus formandis Divina se exercuit manus, & quibus tanquam sigillo, maximum creationis opus obfignavit.

P.P. d. 30. Nov. A. R S. MDCCXLI.  
TESSERA ANATOMICA.

DIES POSTERIOR PRIORIS DISCIPULUS.





